

Peqquserlulluni iluanaarniarnermik akiuiniarnermut politikki

Peqquserlulluni iluanaarniarneq

Peqquserlulluni iluanaarniarneq GrønlandsBANKEN-ip Peqquserlulluni iluanaarniarnermik akiuiniarnermut politikiani nammineq iluanaarutissatut pissaanermik atornerluinertut nassuiarneqarpoq.

Nassuiaaneq pinerluttulerinermi inatsimmi kiisalu nunani tamalaani peqquserlulluni iluanaarniarnermik akiuiniarnermut isumaqatigiissutini peqquserlulluni iluanaarniarnerup nassuarneqarnerinut naapertuuppoq, tamatumanilu ilaapput peqquserlutsitsinerik tigusaqarneq kiisalu tunniussineq kiisalu akiliilluni imaluunniit akilersilluni peqquserlulluni iluanaarniarnerit allat.

Peqquserlulluni iluanaarniarneq ilisimaneqarneruvoq peqquserlunnertut, salloqittaaertut, paarititanik peqquserlunnikkut ajunaaruteqartitsinertut imaluunniit pinngitsaaliilluni akiliisitsiniarnertut. Peqquserlullunilu iluanaarniarneq aningaasat allanut nuunnerannik imaqtartariaqanngilaq. Aamma iluaqutissanik angusaqarniarluni sullissinernut tunngasinnaavoq, soorlu immikkut ittumik pitsaalluinnartumik sullissineq, immikkut illersuineq, sullissinerit amerlanerusut imaluunniit sivikinnerusumik sullissineq.

Iliuutsit peqquserlulluni iluanaarniarnertut isigineqartut

GrønlandsBANKEN-imi peqquserlulluni iluanaarniarneq akiorniarlugu politikimi iliuutsit arfineq marluk peqquserlulluni iluanaarniarnertut isigineqarput. Peqquserlulluni iluanaarniarnerit sulluunniit akuerinngilluinnarneqarput:

1. Aporaattunik soqutigisaqarnerit

Pisuni pisarput, inuttut soqutigisat, pisortatigoortumik suliassanut illuinnaasiornani kinaassusersiornanilu sunniuteqarsinnaappata imaluunniit sunniuteqarpata.

Inuttut soqutigisanut ilaapput namminermut imaluunniit ilaqtutanut, qanigisanut, ikinngutinut aamma inunnut imaluunniit kattuffinnut, inuussutissarsiornikkut imaluunniit politikikkut atassuteqarfigisimasanut iluaqutaappata.

2. Peqquserlunneq

Tassaavoq nalilimmik neqeroorneq, tunniussineq (akiliilluni peqquserlutsitsineq), tigusaqarneq, kajumissaarineq imaluunniit akuersineq (akilersilluni peqquserlunneq), atorfillip pisortatigoortumik inatsisillu malillugit suliaani sunniinissaq siunertaralugu. Peqquserlunneq Kalaallit Nunaanni Danmarkilu pineqaatissiissutaasinnaavoq.

3. Pinngitsaaliilluni akiliisitsiniarneq

Imarisinnaavai timikkut imaluunniit pigisanik ajoqusiinissamut siorasaarinerit, inuup pinerluuteqartutut/inatsisinik unioqquutitsisutut pisuutinnissaanut siorasaarinerit, imaluunniit paasissutissanik kanngunartunik qulaajaanissamut siorasaarinerit.

Pinngitsaaliilluni akiliisitsiniarneq pisarpoq atorfillik inatsisit unioqquutillugit qunusaarinikkut aningaasanik imaluunniit pigisanik akiliisitsiniarpat imaluunniit tigusaqarpat.

Pinngitsaaliilluni akiliisitsiniarneq Kalaallit Nunaanni Danmarkimilu pineqaatissiissutaasinnaavoq

4. Salloqittaaaneq

Iluaqutissamik (aningaasatigut imaluunniit allatut iluaqutissamik) angusaqarniarluni salloqittaaaneruvoq, pisussaaffimmik ingalassineq imaluunniit allap annaasaqarneranut pisuuneq. Tamatumanu piaaraluni ilumuunngitsumik, salloqittaaalluni, imaluunniit tatiginanngitsumik, peqquserlunneq imaluunniit ilumuunngitsunik patsisilerluni iliuuseqarneq.

Salloqittaaaneq Kalaallit Nunaanni Danmarkimilu pineqaatissiissutaasinnaavoq.

5. Paarititanik peqquserlunnikkut ajunaaruteqartitsineq

Tassaavog pisortamut inissisimanera pissutigalugu inatsisit naapertorlugit, pigisanik imaluunniit aningaasanik paarititanik eqqunngitsumik pigiliussineq imaluunniit atonerluineq.

Paarititanik peqquserlunnikkut ajunaaruteqartitsineq Kalaallit Nunaanni Danmarkimilu pineqaatissiissutaasinnaavoq.

6. Tunissutitut atatillugu peqquserlulluni iluanaarniarneq

Pisunut atuuppoq, tunissut imaluunniit aningaasatigut ajunngitsuut neqeroorutigineqartoq, qinnutigineqartoq imaluunniit tiguneqartoq sullissinermik utertitsivigineqarnissaq naatsorsuutigalugu. Tunissutit inoroorsaarnerlu imminermi peqquserlulluni iluanaarniarnermut pissutaasinnaapput. Peqquserlulluni iluanaarniarnerup pinissaanut atorneqarsinnaapput, imaluunniit allanit peqquserlulluni iluanaarniarnermut paasineqarsinnaallutik. Tunissutit tassaasinnaapput aningaasat imaluunniit pigisat nalillit tunissutitut tunniunneqartut aamma politikikkut imaluunniit ajunngitsuliormut tunissutit. Inoroorsaarneq tassaasinnaavoq nerisitsinerit, hotelimi unnuinerit, timmisartorneq, aliikkusersuinerit imaluunniit timersortunut peqataaneq.

GrønlandsBANKEN tunissutitut politikimik akuersissuteqarnikuuvog, tassani aalajangersarneqarpoq, sulisutut tunissutitut tigusinge tunniussinerlu qanoq pisinnaanersoq.

7. Qanitanik salliutitsineq

Tassaavog ilaqqutitanik imaluunniit ikinngutitanik salliutitsineq, piginnaasai isiginiarnagit. Ilaquttat ikinngutillu inuttut qanitarisatut iluanaaruteqarfiunerisumik pissusilersorfigineqarnerat, piginnaasaat pitsaasussaallu sulisutut kinaassusersiunngitsutullu naliliinerit salliullugit.

Nalunaarusiorneq

Sulisoq kinaluunniit pisussaataavoq pissuserisassanut malittarisassat uku ilisimaarissallugit, tunngaviillu tassaniittut ataqqissallugit. Sulisut tamarmik pisussaataapput, malittarisassanik unioqqutitsisoqarneranik uppenarsaatit kiisalu pasitsaassinernik tamanik aqutsisumut qaninnerpaamut imaluunniit aningaaserivimmi compliancemut nalunaaruteqarnissamut.

Peqquserlulluni iluanaarniarnermut akiuiniarnermut ilisimaarinninneq

GrønlandsBANKEN-ip peqquserlulluni iluanaarniarnermut akiuiniarnermut politikia qaqugukkulluunniit aningaaserivup nittartagaani atuarneqarsinnaavoq www.banken.gl Aammattaaq aningaaserivup inuiaqatigiinnut akisussaaqataanerit ukiumoortumik nalunaarutaaniittassalluni.

Illup iluani aningaaserivup qulakkiissavaa, sulisut tamarmik peqquserlulluni iluanaarniarnermut akiuiniarnermut politikki ilisimaarissagaat, tamanna pissaaq Intranettikkut saqqummiussinikkut, illup iluani ilitsersuutitigut aamma politikkitigut (ass. tunissuteqarnermut politikki), kiisalu naleqquttumik sungiusaanikkut ilinniartitsinikkullu.

Misissuineq

Politikki una qullersaqarfimmi akuersissutigineqarpoq ulloq 2. april 2014, skemamilu ataaniittumi takusinnaavat qanga kingullermik politikki iluarsarneqarsimanersoq:

Iluarsineqarpoq:	Imm. akisussaasoq:	Siulia:
2024-04-30	Direktionen	2021-11-18